



UNIVERSITÄTS-
BIBLIOTHEK
PADERBORN

Universitätsbibliothek Paderborn

De Ecclesiasticorum Vita, Moribus, Officiis Libri Tres

Schevichavius, Gisbertus

Mogvntiae, Anno M.DC.XXI.

Capvt XXXV. Apostolvs Castvm, Pvdicvmque requirit Clericum.

urn:nbn:de:hbz:466:1-42349

sum lucretur, anima vero sua detrimentum patiat? Aut quam dabit homo commutationem pro anima sua? S. Ambrosius l. 2. off. c. 25. Dominus ad discipulos suos, ait: Nolite possidere aurum, neq; argentum, neq; pecuniam, qua velut falce pullulantem in pectoribus humanis succidit avaritiam.

CAPVT XXXV.

APOSTOLVS CASTVM, PVDICVM.
que requirit Clericum.

Quid luxuria eius-
que pestiferi
fructus.

§. **L**uxuriam pravum obscenae voluptatis appetitum, DEO sanctissimo Spiritui summe inuisam, diabolo impurissimo spiritui maxime gratam, humanae naturae & dignitatis probum, ebrietatis filiam, insaniae matrem, facultatum, honoris, fama, valetudinis, salutis prodigam, curatu difficillimam, sordium & malorum lernam gehennae fumum in sempiternas exiturum flammam, omni studio & contentione deuitent, cum Apostolus ne familiares quidem & Clerici domesticos permittat esse in accusatione luxuriae Tit. 1. v. 6. quanto minus ipsum Clericum? Neq; ob libidinis suspicionem in Clerici ordinem admittit bigamum 1. Tim. 2. v. 2. & 4. Tit. 1. v. 6. Et hortatur Timotheum 1. ep. cap. 5. v. 11. Ut adolescentiores viduas deuitet. Ut quae sint salaces & nupturientes. Illud etiam queritur & deplorat Apostolicus 2. Timoth. 3. v. 5. 6. 7. Suis non defuisse temporibus, qui voluptatis magis amatores essent quam Dei, & haberent speciem quidem pietatis, sed eius virtutem abnegarent, & sic penetrarent in domos, & mulierculas peccatis oneratas & variis desideriis astuantes, & non veritatem, sed suis peccatis velamen & patrocinium inquirentes docendo carnis libertatem captiuas ducerent, & sibi obnoxias redderent & hos, inquit deuita.

Sepe multumq; a luxuria dehortatur Apostolus.

§. Multus est Apostolus in hoc dissuadendo flagitio Rom. 13. v. 13. Sicut in die honeste ambulemus. Non in cubilibus & impudiciis Et. 14. Carnis curam ne feceritis in desiderijs 1. Cor. 5. v. 11. Scripsi vobis, si is qui frater nominatur, est for-

est fornicator, cum eiusmodi, nec cibum sumere. 1. Corinth.

6. versic. 9. Neq; fornicarii neq; adulteri, neq; molles, neque masculorum concubitores regnum Dei possidebunt. Et de-

inceps multis argumentis ibidem ab hac deterret turpitudine. 1. v. 13. Corpus nō fornicationi sed Domino, & Domi-

nus Corpori. i. e. Corpus non fœdæ libidini subbiicien-

dum sed Deo, ut is corpori rāquam rei suæ dominetur

2. v. 15. Nescitis quoniam corpora vestra membra sunt Chri-

sti: Tollens ergo membra Christi faciam membra meretricis?

Abst. Sanē membra Christi honestissimē & castissimē

tractanda sunt. 3. v. 18. Fugite fornicationem. Qui fornica-

tur, in corpus suum peccat, ut quod turpiter contaminet & cō-

rumelia afficiat. 4. v. 19. An nescitis quoniam mēbra vestra

templum sunt Spiritus Sancti, qui in vobis est quem habetis a

Deo: Sed utiq; templū S. Spiritus mundum, castum, in-

violatum & sanctum est conseruandum. 5. v. 19. & 20.

Non estis vestri. Empti enim estis pretio magno. Corpus

non est in potestate nostra, non sumus nostri juris, sed

serui empti Christi, cuius pretioso sanguine liberati

sumus, ei itaq; seruiendum non libidini. Glorificate &

portate Deum in corpore vestro. Et 1. Cor. 10. v. 8. Neq; fornice-

mur, sicut quidam ex ipsis fornicati sunt, & ceciderunt una die

viginti tria millia. Eph. 5. v. 3. & 5. Fornicatio autem & omnis

immunditia, aut auaritia nec nominetur in vobis, sicut decet Sā-

ctos, aut turpitudine aut stultiloquium. Hoc enim scitote intelli-

gētes quod omnis fornicator aut immundus non habet heredita-

tē in regno Christi & Dei Col. 3. v. 5. Mortificate membra ve-

stra quæ sunt super terram, fornicationem immunditiā, libidinē,

&c. propter quā venit ira Dei super filios incredulitatis. 1. Thes.

4. v. 3. Hæc est voluntas Dei, sanctificatio vestra: Ut abstinea-

ris vos a fornicatione, ut sciat unusquisq; vestrum vas suum

possidere in sanctificatione & honore, non in passione desiderii,

sicut gentes quæ ignorant Deum. Et vers. 7. Non vocauit nos

Deus in immunditiam sed in sanctificationem. Hebr. 13. v. 4.

Fornicatores & adulteros iudicabit Deus, id est, cōdēnabit.

Impius deo
cat in Deum
patrem cui
rem propr. a
eripit.

Homo libi-
dinosus in
iuriis in Deū
filium, cuius
membra
conspiciant.

Homo luxu-
riosus inia-
riam spiri-
tus sancto
infect, cuius
templum
temerat &
profanat.

Accelesti ex-
cludit gloria
luxurios.